

萬曆

皇華集
二十一

皇華集卷之四十編目

萬曆三十四年丙午頒

皇大孫誕生詔使三

萬曆二十四年四月
皇華集卷之四十四

皇華集卷之四十四

皇華集卷之四十

觀漢城迎 詔歡舞塞途紀以詩 朱之蕃

九重 丹詔下青霄百技陳衢十里遙
初日穿林觀老稚光風拂袂闔輕剽
擲身更進竿頭步躍足渾翻掌上腰
總是歡騰同樂意追隨徵角奏簫韶

次韻

柳根

芝函帶日耀層霄咫尺威顏對不遙
舉國歡呼迎漢詔盈街雜劇試齊剽
超騰緣索懸趨足投擲翻身轉舞腰
賤迹昔曾朝鳳闕奉天門外悅聞韶

李好閔

高聳棚竿切碧霄陳郊爲迓漢槎遙麾來饒鼓聲
轟轉幻出魚龍勢猱剽方丈仙山海鰲背大平金
字橐駝腰歡欣但助嵩呼地不是蹌蹌協舜韶

禮曹正郎宋 騁

旣承詩扇又奉和命不勝感惕謹綴俚語
伏呈正使大人

煌煌玉節降丹霄萬里東藩不憚遙威鳳耀翔光
電赭彩鰲馳戲勢風剽觀瞻士女爭加額禮數君
臣共折腰珠唾忽隨便面地朗吟花底悅聞韶

追和

歸途

頌 詔禮成

朱之蕃

藩王劒履迓宸章萬里歸忠切拱陽霞湧海鰲明
舞隊珮依仙仗領天香陳詞瞻極畱雙鳳在笥承恩
御七襄好率三韓歌帝德波恬島服固苞桑

次韻

柳根

明時四海擅文章絕代名儒是紫陽手捧螭頭天
上詔口含雞舌殿前香恩深雨露能宣布任重
絲綸好贊襄舉國君臣同拜舞正看初旭轉曾
桑

李好閔

芝函擎出煥綸章獸錦輝煌色奪陽却覩晴空騰
喜氣還憐露草噴奇香懽聲沸海傾窮谷徒馭如
雲服上襄帝德祗今何以報妖氛久已淨扶桑
頒詔禮成似許都監一祭梁有年

甲觀祥開卜世傳恩綸東下五雲邊巖嵐溪月征
夫騎冬日春宵海國天雷動喜看千技舞嵩呼齊祝
萬斯年紫宸夜夜懸清夢歸計明朝好着鞭

次韻

柳根

一家堯舜禹相傳仁覆扶桑若木邊極海以東方
擊壤再生之澤孰非天神京不隔三千里聖壽

宜過億萬年珍重屢蒙詩警策未應虛贈繞朝鞭

李好閔

慶演瑤圖

鳳詔傳謳歌已徧析津邊雲騰喜氣

陰華盖爐噴遊香逗遠天少海波澄俄六載孫星
輝炳又今年彤庭抃舞嗟無路謾向龍門分執鞭

賢王宴集于南別宮

朱之蕃

虎拜方勤紫極朝賓筵肆啓集羣寮分庭虛左儀常
肅旅獻持盈意倍饒諄切傳言依日月慙慙高義薄
雲霄瞻來忘勢賢王度應振中興化瑟調

次韻

柳根

雨露生成荷 聖朝歡呼奔走擁臣寮心常拱極
誠難揜物不如儀禮豈饒共沐恩波環大地欣瞻
日馭耀重霄百牢未足畱嘉客曾是珍羹 御手
調

李好閔

恪謹吾 王戴 聖朝每將誠惻勗臣寮授餐祗
爲優賢篤悉賦非緣敝邑饒置酒南宮容薄禮懸
心北闕仰層霄筒中和氣罩禽鳥客舍流鶯舌正
調

宴南別館

梁有年

朱館輝煌敞玳筵天涯賓主兩驩然珍羅水陸分宮膳樂聽我洋奏古絃當席不忘歌帝德懷人猶自詢諸賢殷勤未盡躬親意陪從行觴袂欲聯

次韻

柳根

芝函宣罷敞初筵雲幕環簷勢翼然好會豈能追反玷交驩不在聽繁絃繫駒惟願畱佳客附驥何知遇大賢更遣東人爭拭目碧紗籠已護詩聯

李好閔

南館笙歌異昔筵旣名爲別兩茫然愁心汗漫寧辭酒恨意參差已上絃玄圃仙遊空入夢緇衣雅

範可忘賢清歡不與消芳晝詩句猶將剪燭聯

五峰李丈受賜金歸構亭以志感戴爲賦一章

朱之蕃

玉陛親承 帝賜金歸來卜築買青林峰巒東郭探
深秀花鳥溪南愜素心晴日三竿烘倚枕鳴泉一派
助絃琴憐予頗諳滄洲趣海表追從足賞音

伏蒙辱賜彰賜亭詩整冠歆誦颯若清風生
楮面曷勝感歎鯁生衰病劇矣朝夕當歸亭
終老非惟未歿之年諷詠德音卽冶金鑄石
以爲鎮家之寶謹依高韻用效卑悰

李好閔

買山曾費尚方金，鴈足題恩到上林。
續荷皇華吟白雪，應憐窮海繫丹心。
庭松入夜生天籟，澗水縈門聽玉琴。
堪笑此情良自苦，有聲皆似郢中音。

司導寺正趙希輔

橐裏歸來賣十金，郊原卜得小園林。
溪山繞屋堪乘興，煙靄當窻足賞心。
終日倚筇還覓句，有時呼酒獨鳴琴。
清詩多謝新題扇，從遣東人識正音。

承題扇
追和

題五峰國相彰賜亭用崔大行韻博祭

梁有年

奕世恩光着眼前乾坤雨露信無邊山靈不羨人間
直家慶當從國乘傳退擬功成良早計慮深志損紹
先賢幽亭煙景他年在鶴髮頽然醉釀泉

昨日伏承辱惠詩箋見和軒昂老先生彰賜
亭詩韻盥手莊誦喜極而懼也噫亭誠陋矣
非緣出於帝賜其何得前後儒仙詩至此
其盛耶一則曰皇恩二則曰皇恩敢步
原韻庸申感緒

李好閔

毋論王後與盧前終始瓊琚耀海邊亭爲地荒三

經陋名因詩勝萬邦傳延陵觀樂無聞賜廣受加
金要獎賢賢愧古人還重賜祝堯朝夕對林泉

聖廟展謁登明倫堂延見六館諸士詩以勗之

朱之蕃

廟貌更新杏檜繁踰踰多士集橋門八條遺澤遵箕
範六藝源流邇魯論道不遠人期慥慥靈合成性在
存存應知願學先時習扶植天常壯翰藩

次韻

柳根

重闢賢關絃誦繁提撕何幸荷師門夾持上達誰
先獲曲暢旁通要細論苟欲躬行學須講從知目

擊道斯存揭來華扁觀瞻聳留與千秋賁外藩

李好閔

孔庭喬木夏陰繁聽講青衿看擁門天上鳳毛殊
物色人間玉振繼遺論清詩見落堂悠久健筆承
題鬼護存浮海百年聞聖語不瑕吾道在東藩

知中樞府事鄭昌衍

百年文物盡凋繁快覩奎星耀廟門藝苑聲名推
獨擅殊方詩禮與誰論銀鈎題扁十金重壁水流
芳萬古存幸脫干戈事絃誦普天 皇澤最東藩

議政府左叅贊宋言慎

明庭禮數不辭繁出入從來在是門化被東漸能
自濯人先北學敢輕論爭趨共喜文斯在快覩方
知道卽存寶墨淋漓光五教永留嘉惠賁維藩

成均館大司成洪履祥

樽俎雍容縟禮繁鯁生何幸托龍門欣瞻寶墨輝
新構更挹春溫吐緒論翰閣詞華風格老考亭家
學典刑存洋洋聖代同文化莫道東韓是外藩

承政院都承旨尹昉

新堂未稱禮儀繁奎壁流光在入門非勸明倫三
代學得聞靈性一言論同文已自無遐邇宣化那

分所過存正願請疑函丈地先慚回陋面墻藩

謁文廟示諸生

梁有年

聖道洋洋際海隅宮墻瞻拜集師儒聯翩信是多材
地策足應爲大丈夫百行每從根處植六經如向寐
中呼醒來事事分明在休把遺編索有無

次韻

柳根

向學功程在反隅爲人終作小人儒言詩始可知
來者啓手方能得免夫幸近獸袍聞一貫適緣鴻
慶屬三呼今逢天下同文日誘我諄諄古亦無

李好閔

摳衣今日幸趨隅論議平生服老儒真正加工方
作士私邪在念卽非夫壇邊絃誦從知樂沂上冠
童亦見呼牖我丁寧敬義字免教蒙學墮虛無

鄭昌衍

爲學功程在反隅指南何幸遇真儒格言自足矜
多士良性何曾嗇匹夫玉色揚輝爭想望清風流
譽入謹呼若教師道行天下輩出羣賢世豈無

宋言慎

百年文教暨東隅下士猶知慕聖儒主敬惟須立
本領存誠亦在進工夫常疑後死迷趨向願荷先

生費指呼幸遇惺翁會心法提撕更惠一言無

洪履祥

墻高數仞蔽堂隅階級分明見道儒經學反求真
實地行原深造聖工夫坦途尋處知由近大寐醒
時不待呼看取鳶魚自飛躍吾師只欲一言無

尹昉

末學何知舉一隅寥寥千載絕真儒久聞鄒魯稱
誰也更使宣尼嘆已夫大道祇今仍晦塞諸生思
古起嗚呼景星此日欣先覩爲問從前有此無

漢江紀遊

朱之蕃

蕃于此道以久困制舉業所得殊淺不避獻
醜切于引玉耳望諸丈和教豁我蓬心多多
益善也至懇至懇

漢江風物東邦最海國羣賢醺席張穩汎中流舟是
屋劇浮大白醉爲鄉一天月彩兼燈彩四面山光接
水光更漏迢迢歸酩酊猶疑枕藉向滄浪

其二

錦雀津邊清晝遊月輪俄吐冠峰頭江山地勝勞瞻
眺賓主形忘厭獻酬興寄高吟誇郢曲絃揮古調過
伊州遙知二客能從處嘉話常于此日畱

次韻

議政府領議政柳永慶

江上樓臺兵火盡
畫船猶足綺筵張
真仙到處煙霞衛
敝邑由來山水鄉
酒後微風生晚爽
詩前好月動晴光
陪遊不覺恩波隔
却笑當年郡樂浪
天上人輕地上遊
等閒軒盖到江頭
初憑酒賦堪陶寫
遂欲漁歌與唱酬
總爲皇恩無外國
非關此境少中州
下流餘勝還須選
莫使平分物色留

李好閔

漢江春色來天地
千載今看勝事張
四海弟兄休問主
一方風景不須鄉
微波如拭涵人影
好月無

端落鏡光醉後笙歌夜歸院夢中燈燭在滄浪
曾侍開雍作勝遊至今清夢在江頭臨尊却怕金
杯倒得句還慙玉案酬此日正當五百歲仙人重
到漢中州颺輪每返情彌劇駐景惟須盡意畱

判敦寧府事李光庭

滿船絃管促飛觴爭道新詩水部張千里客魂懸
魏闕一年春意罷江鄉閒移桂楫搖波影笑對蓮
峰引月光他日倘思今日會可堪登眺更淋浪
畫鷁中洲爛熳遊夕陽飛旆颺江頭新詩不厭英
瑤贈好意寧忘雜佩酬風月祇今餘赤壁襟懷都

是付青州流光遡去移蘭棹絲管聲聲挽客畱

柳根

羽旆芝車出漢陽層臺雲幕正高張天浮十島蒼
茫界地幻三吳快樂鄉月轉平林散清影舟移近
渚泝流光瑤篇添却湖山勝不啻新圖到樂浪
暇日叨陪玉節遊蘭橈直欲下蠶頭並生一世寧
非幸雙鳥千秋倘更酬赤壁悅聞風月笛金陵疑
是帝王州却知此會終難再天上飈輪願少畱

禮曹判書李廷龜

亂後江山如有待名區物色荷鋪張牙檣錦纜迷

芳渚玉節麟袍映水鄉杯歛仙醪渾雨露筆宣
皇澤盡龍光蓬瀛可到應非遠方丈三韓是樂浪
天上神仙下界遊蘭舟縹緲漢江頭鬱金美酒醒
仍醉霏玉清談唱更酬風月依然泛赤壁煙花還
似下楊州明朝別後雲泥隔悵望颿輪不可畱

工曹判書徐 涪

籃輿曉出城南陌澤國江山錦繡張聞健且須拚
勝集逢場休說是他鄉沙邊鷗鷺驚旗影水底魚
龍避日光賤子承歡真不分綺筵扶醉鬢滄浪
彩鷁浮江作勝遊山花如錦滿山頭金杯灩灩醒

還醉綺語翩翩唱又酬生歲偶然同甲子晚年何
幸識荊州星輶一返雲泥隔莫怪當筵更挽留

兵曹判書許 箴

江山勝槩饒題品一顧還應價更張興到始堪爲
盛事醉來何處是他鄉仙舟得侍同朝喜盛禮承
歡絕代光萬頃琉璃涵玉柱樽前不愧唱滄浪
和風遲日送仙遊勝事方知是一頭錦纜徐牽看
自在玉杯爭獻忝相酬恭聞正學傳雲谷良愧菲
才後郢州從此江山無物色翰林多暇少分畱

戶曹判書韓浚謙

東藩佳麗漢之陽終古風流少主張天遣星槎窮
勝賞人瞻玉節下仙鄉江山題品增顏色樽酒畱
連媚景光此日陪遊疑夢寐扣舷空自詠滄浪
四月皇華江上遊傾朝冠蓋簇沙頭清歌繡幕停
雲唱美酒金樽盡日酬蓬島風煙接下界帝京
花柳隔中州颿輪明發催歸去仙躅何由得少畱
平湖千頃碧茫茫曲岸岩嶢綺幕張霄漢競瞻儀
鳳彩樓船正是水仙鄉霞觴屢舉催龍管璧月纔
昇亂鏡光勝地盛筵知不再莫嫌今夕且聊浪

漢城府判尹申 欽

玉節聯翩作勝遊
蘭橈晚艤漢之頭
且將禮數寬羈束
唯許杯觴盡獻酬
下里可堪聞白雪
此生何幸識荊州
泥鴻遺迹還惆悵
莫惜鸞驂爲少畱

尹昉

江山歷歷畱今古
彩鷁橫流粉幕張
落地從來是兄弟
當歡不用念家鄉
風傳蒲座含春意
天卷纖雲放月光
永世吾東誇勝事
詩仙此日醉淋浪
南湖晴日政堪遊
玉節東臨此水頭
境勝未知清讌洽
辰良合用好詩酬
壺中自是藏三島
海外何須問九州
星月滿天波面滑
不妨移棹更遲畱

成均館司藝丁好善

青天不動江流穩彩鷁凌波衆樂張風月引人拚
勝地乾坤隨處是吾鄉山榭落日增晴色樹帶寒
煙逗遠光尊未卧時歸未可莫辭今夕醉淋浪

歸途

追和

成均館司成李湛

錦筵瑤瑟漢江遊舞罷妖童花滿頭詩句值公難
作對酒杯從客迭相酬天闕形勝邀仙侶人道風
流似峴州此會異邦那再得彩舟將下更淹畱

歸途

承題扇
追和

漢江泛舟觀漁

朱之蕃

我本江上垂綸客十載京塵迷紫陌
紫陌揮鞭信馬蹄清江飛夢舊漁磯
竭來將命之東國山河表裏供登陟
萬壑縈紆幾駐轅千峰拱揖堪憑軾
忽逢山盡繞江流高下蒼巖遠近洲
主人愛客邀遊行素幕茅簷屋作舟
把酒中流正容與漁舸來往棹爭舉
數罟弘網合若圍波光潭影紛如組
巨鱗觸網如人立縱躍狂奔勢良急
鬣張鬣怒終摧頽噴沫鼓腮氣填臆
不禁困縛多少鮮垂銀耀玉何纖纖
矜詡陽驕挂一目澄淵胡不學深潛
庖人技獻銀絲膾鱗肉雪飛紅

縷界釜中泣者是前魚啜羹飛竿成高會振簑收網
卧孤篷欸乃歌長煙水重彩鷁閒維楊柳岸清風吹
月大江空

次韻

柳永慶

漢江自古娛嘉客不能十里長安陌南北往來簇
輪蹄自在漁村與釣磯江天澹曠連海國林巒在
眇非攀陟采石空聞李謫仙赤壁堪謝蘇公軾惟
有崔顥叶風流漢陽樹兼鸚鵡洲天上真人畱我
館忽契霞想來登舟見賞此境殆天與許以措事
網亦舉當其潑刺受制時縱觀謹笑忘簪組左右

伺者如林立庖人鼓刀事尤急羣魚應悔居清淺
誰肯問之對以臆大者宜魚小宜鮮風味更佳銀
縷纖盡物取之亦不忍不禦其漏容伏潛何待秋
風討吳膾足助酒興超塵界斜陽煙景復流月造
物定知今日會陶然醉後倚揭蓬一夢依依待九
重燕雀安測歸鳳路會應彩雲瞻太空

李好閔

江頭艤船迎仙客香風澹蕩芳芷陌籃橋隱隱送
馬蹄錦席奪却漁人磯亭址迴臨龍伯國驪岸蒼
杞勞攀陟皇華勝遊趁清和臨江作賦同蘇軾高

臺雲幕領風流肩輿怕熱移滄洲黃帽老人尚解
事結茆爲屋蘭爲舟風雪浴沂聖所與不妨春過
追修舉連網竭澤古人戒短晷一一分楚組須臾
三老傍舷立舉網得雋懽呼急登盤鬢鬣狀萬殊
眴目張唇請對臆老鱗耐久宜入饌奈不滿尺銀
纖纖一供仙厨我無恨放他圍圍令幽潛鄭僑深
仁不忍鱸坐見掉謝清泠界傳觴促席各忘形自
有漢來無此會興盡當歸尚揭篷俯視層浪煙重
重陽侯有知應悵望颺輪一去江天空

李光庭

江上和風引上客清曉肩輿出南陌笙歌擁路雜
輪蹄兩仙駐節臨苔磯濟川亭子名海國乘興不
辭勞遠陟東山絲竹繼謝安赤壁風月追蘇軾亭
前湛湛江水流島嶼出沒連芳洲中天睎眴殊未
已更復移尊登彩舟高譚朗詠相許與座上風標
皆舉舉漁人捩柁棹謳發長網橫江密如組衆鱗
戢戢跳復立沙岸漸近波濤急祗爲般遊助歡謔
豈是婪酣快胸臆徐州禿尾漢陰編取之不復論
洪纖馮夷股慄水仙怒鱣鮪遠遁蛟螭潛酒中樂
作仍設餽此興已覺超塵界但憐頃刻割素鬢龍

門永失風雲會歸舟日落浪打篷極目煙樹何重
重向來奇事易陳迹獨畱江月當青空

柳根

金鑾殿上青雲客銀燭朝天騁紫陌仙厨御羹分
駝蹄夢斷采石江上磯龍章鳳姿賁王國玉署春
坊方峻陟蹇輟花磚視草班早春却憑東征軾王
城之南漢江流風煙恍惚疑十洲紫泥宣後選勝
遊青銅鏡裏移蘭舟鰕生卽席欣得與漁子撒網
爭相舉吾王敬客出至誠將命來叅摠珪組玉尺
跳擲有時立小者奔迸大者急黃帽擎盤薦霜鱗

膳夫奏刀碎紅臆霞霏雪落薄蟬翼正好析微仍
剖纖橫流旣已遮紫鬣倘有蜿蜒幽處潛韓公願
飽鯨魚膾巨緡誰試東南界遐方豈足永今夕正
爲蓴鱸想吳會黃昏月湧照短篷極目蒼蒼煙水
重却將彩筆紀茲勝莫遣瑤臺清夢空

李廷龜

金門大隱謫仙客霞蹤偶落人間陌陌上朝天走
輪蹄歸夢日日沙邊磯忽焉銜綸下東國經過幾
處窮遐陟薊野遼山與鴨水萬里風煙入伏軾吾
東形勝漢之流平沙斗岸而長洲湖上風恬不起

波錦纜簇簇連方舟聯翩錦袍此容與風飄雲袂
空中舉吾王絲絡送厨珍儉燕傾朝會簪組酣
來乘興迭起立禮數寬容酒令急逼座春風情意
融語或不傳對以臆漁人網集船下潭潭清魚可
數洪纖有時得雋語爭囂錦鱗潑刺抽淵潛大者
燭之小者膾紅縷銀絲迷眼界人生勝遊苦難再
况復忝陪天仙會須臾新月照船篷汀花浦樹陰
重重崑丘宴散飈馭遠碧雲杳杳瑤池空

徐涓

驂鸞鞭鳳日邊客銜綸早辭金臺陌前驅萬馬散

霜蹄探勝或上蒼苔磯漢陽山水擅海國地近不
須勞升陟駕言出遊風日和江頭物色迎朱軾蒼
崖斗斷大江流芳草芊綿白鷗洲江上高樓已搃
碎樓下清潭停畫舟賤子何虞不我與揖登傲傲
袖屢舉殘紅未落嫩綠陰影倒中流粲若組漁人
下網艖頭立得雋喧喧收正急柳穿琴鯉三尺長
怒頰豕吻欲對臆烹鮮忽驚調梅鹽饗官豈解分
洪纖仁心不忍盡物取爲放巨魚波中潛午熱冰
盤薦細膾一嚼置我清凉界鳴槳泝洄間善謔儘
是東南良覲會笙歌寥亮響短篷遠浦漠漠山重

重恍然乘月入火城瑤臺一夢還成空

許箴

香案傍邊輟詞客
勅奉芝函出綺陌
宣麻禮罷催昆蹄
鳳節雙臨黃鶴磯
此江煙景擅東國
儒仙自昔頻遊陟
雲幕高褰玳筵開
敢請皇華暫停軾
平沙鋪練環瓊流
鰲背微茫露遠洲
纔向層臺騁遐矚
笙歌移上沙棠舟
翰林文采天付與
軒軒霞綺空中舉
黃門雅望亦超倫
麗藻凌雲謝繪組
蘭橈鴉軋桅竿立
嘯倚柁樓夕風急
龍門共喜忝登仙
樽俎雍容寫胸臆
巨網截江遮玉鮮
銀尺潑刺

跳經纖鰓呀鬣張爭吼沫鮫鰐戢鱗波臣潛張翰
不足誇鱸膾蘇仙莫詫三州界且將酩酊終永夕
此時此樂無人會瑤空桂魄明竹篷驪龍吐珠金
波重紫簫聲咽颺馭發江天冷落江雲空

韓浚謙

清江麗景邀嘉客催駕星輶出南陌陌上晴雷殷
輪蹄江邊紅旆蔭苔磯此江形勝擅下國終古遊
人幾登陟武昌當日稱庾亮赤壁千秋說蘇軾孰
如金鑾第一流自天銜命臨芳洲芳洲物色政堪
翫碧波萬頃橫龍舟蘭槳桂棹澹容與鼉鼓喧轟

玉卮舉爭占水隈下網圍漁子歡呼引長組金鱗
競躍銀鬢立鮫室將傾夕風急鑿刀飛送雪絲絲
下筴令人爽煩臆古者鬻市須盈尺今胡不擇巨
與纖隨泡逐餌祇爲累在藻不若深淵潛吾寧不
用炙與膾舉手遠放清泠界濠梁達士不可見至
妙如今誰更會須臾天月照疎篷醉興杳落青山
重仙輶忽返江伯愁極浦依依煙水空

申欽

先生本是丹霞客暫輟仙蹤遊九陌天衢萬里騁
霜蹄閒却江南煙雨磯手擎鳳綸頒下國入眼山

川恣尋陟高標拔俗幾千丈遠追甫白凌轍軾瞻
彼漢廣橫中流白沙青草迷汀洲聯翩玉節盍往
觀桂爲之楫蘭爲舟山光水色乃吾與綵旗漾漾
隨風舉遲遲麗日正清和微波淪漣如繡組歡深
不覺棄箸立禮數差寬酒令急漁翁持網集泓底
泓底銀鱗血灑臆須臾得雋從丙穴暑鬣摧盡無
洪纖惜哉進不透龍門退又不能效沕潛厨人游
刃供燂膾風味疑與松江界觥籌交錯逸興飛盛
矣斯文一際會颺輪無路可再攀北極縹緲彤雲
重却愁明朝回首成陳迹唯見碧濤迤長空

尹昉

猩袍玉帶天上客芝蓋東傾渺阡陌沿塗觀水皆
涔蹄爲愛清漢臨苔磯華亭有址最藩國從古天
人之所陟昔日翬翬雖回祿瓊章玉語人猶軌是
時桃漲淨不流煙樹刺眼連芳洲龍驤峙樓繚丹
檻百壺蕩槳方小舟陪從亦荷仙人與席上射遞
金卮舉揚濤塘突來漁子罟網連紘同織組舟頭
挺義迫林立萬魚驚鬧奔星急旁圍十里約一團
圍圍垂頭仍仰臆停篙切叫掣數百黏羅銀鱗雜
鉅纖清波咫尺關孟門噉喁安得淤泥潛養人游

刃誇縷鱠可哀轉頭生死界一物雖云聽造化寸
鱗完缺寧時會須臾涼月透船篷權謳齊發江煙
重堆盤餘味逮輿僮歸路火城燃遙空

泛漢江

梁有年

帶郭羣山引使車山雲穿盡到江初逼人清氣舟無
暑集網澄潭食有魚渡口楊花迷野岸亭間鷗鳥傍
幽居更憐夜月兼沙白一曲殘梅聽笛餘

次韻

柳永慶

過市爭疑衛玠車仙舟在望濯纓初評叅楚水教
煎茗賜憶蓬池試鱠魚月瀨浮金先海國煙瘴積

翠逼人居堪羞橫笛非華譜嫋嫋殘聲尚有餘

李好閔

香風吹送紫瓊車綠樹鶯啼四月初竹葉何如桑
落酒銀絲不讓武昌魚孤煙細細生漁店垂柳依
依護野居好是夜深人散後白鷗翔集錦筵餘

李光庭

江上清遊晚並車華筵直到月昇初香醪屢酌浮
浮蟻細網頻登潑潑魚鷗鷺各隨閒處集亭臺多
在樹邊居輕風更助飄飄興倒盡千鍾不願餘

柳根

麟袍玉帶鷺爲車兩岸平林嫩綠初覽德早知人
是鳳忘形真覺我非魚却來海外煙霞境遙憶江
南水竹居畫舫傳杯賒月色恩波浩蕩荷君餘

李廷龜

席下晴波蘸日車半江霞鷺夕陽初堆盤金顆盧
家橘入饌銀鱗丙穴魚仙樂悅從縉氏嶺清遊疑
在廣寒居千年傑句畱題品何幸陪筵得緒餘

徐洵

都門旭日動香車好是清和夏月初彩艦浮空鷺
渚鳥漁舟促櫓獻江魚蠶頭遠眺雲間岫鮫室幽

看水底居蟾影正高仙馭返丁東玉漏二更餘

許箴

江上清塵候鷺車蘭舟容與秩筵初杯行共勸如
澠酒網舉爭看入饌魚座上新歡寬禮數眼前遐
景說仙居平生得御誠非分他日廻思只夢餘

是日

正使大人書示
金山焦山之勝

韓浚謙

西來紫氣傍星車江漢清遊綠葉初錦幕高張翔
渚鳥瑤琴徐奏聳淵魚桃花水淺移仙舫楊柳陰
深掩野居從此窮荒添勝致風煙渾是玉人餘

申欽

徐牽畫舫替雲車正是清和夏景初
山影入湖堆錦繡笛聲穿窟起龍魚
人間風日何曾到天上神仙此可居
逸興不知歸路遠月華星彩醉吟餘

尹昉

試向沙邊駐彩車江村煙景綠陰初
已催玉笋傳香醕更遣金盤薦白魚
舞影亂侵泉客室歌聲清徹水仙居
忽看芳草晴川句捲取湖山地有餘

題畫爲五峰老丈

朱之蕃

漫撚吟髭步野橋雨餘飛瀑響岩峽
茅亭正枕清溪

曲寫入瑤琴譜自調

其二

月滿清江天似水
鵬絃撥處驚鴻起
水底魚龍應解
聽知音不借時人耳

次韻

李好閔

客度青溪獨石橋
茅齋棋局倚岩嶢
心中已會幾
洋趣匣裏枯桐不用調

琵琶彈破空江水
明月在天風乍起
雙鴻知我無
心人推引向來聊爾耳

題狎鷗亭爲春湖國相老詞丈並求和教

朱之蕃

意不在魚魚乃樂意與鷗忘鷗不驚乃知有意與無
意能變嬉笑爲戈兵達人寄興適其適如鷗泛泛魚
潛形直釣無竿久罷釣有食在手鷗爭迎大隱元不
隔朝市煙波滿貯胸懷裏朝回門外雀堪羅泊然不
但心如水平水玄心枕碧流江天空濶一虛舟心知
魚樂人非我狎鷗何必我非鷗我來先賦狎鷗句亭
成應倍憶同遊置身總在浮沉內千古襟期若可求

次韻

柳永慶

人自忘機鷗自樂可以入羣豈相驚鷗雖可觀不

可玩一人之心好與兵列得海上莊濠上鷗魚同
歸至道形大人先生持喻我心欲與物無將迎
生本自居城市衰白不離班行裏何能便有滄洲
情出郭無多占煙水巖巒陡絕環之流鷗來不猜
釣魚舟亭子未成名先具且襲前人道狎鷗他時
縱遂濟勝志天仙何路陪重遊勅賜鑑湖知不暇
大川舟楫屬勤求

題春湖國相狎鷗亭錄似博粲

梁有年

泛泛輕鷗狎水濱水亭何事得相親生來共抱煙霞
癖到此平分草澤隣宦况都消人可物機心不着物

宜人獨憐東國傷殘後那得由君計隱淪

次韻

柳永慶

狎鷗亭子漢之濱日日鷗來似得親芳草白沙元
境界清風明月自比隣未成解組江干老得憊忘
機海上人發趣辛勤仙客語從教茲事免沉淪

別紙四絕

朱之蕃

煮雪對梅花寒香泄齒牙疑到西湖曲孤山處士家

其二

枕石眠松下青天幕可遮還應結茅宇我更欲移家

其三

年年春色滿樹樹野梅開繞徑惟香雪無人破綠苔

其四

催香來夜雨舞影待春風入桃源洞口行山陰道中

次韻

李好閔

今年不見花梅老空槎牙清詩仍健筆勝到西湖
家

貫月乘槎客方洋誰可遮歷看天外勝佳處著仙
家

曾奉蘭翁號還栽萬玉開何由理謝屐一破門前
苔

明鏡山陰道桃花武陵風遐方那可到今日見詩
中

賢王宴別畱贈一章

朱之蕃

海國江鄉接望賒何緣倚玉藉乘槎兕觥設醴躬親
執朱履當筵禮數加高館停驂勞地主雙旌分袂悵
天涯懸知別後長相憶驚夢趨朝斗柄斜

南別館宴畱

梁有年

十一日頒

詔禮成卜十七日西歸國王

已懇畱至十九比張席爲餞復諄諄以蠶頭
峰請且謂往使悉遊不可使山靈及舉國有

歉于今也余兩人重違王意王稱謝不
已賦此以紀雅情

七日爲期九日行主人猶自不勝情旋開祖帳千鍾
釀又證清遊一晝盟興托名山邀旅思意傳通國布
真誠謇予可幸追前躅會看峰頭水月生

萬曆丙午孟夏中旬予奉使命延佇斯樓早晚
登眺山色照人雨後倍爽名以山雨見潤物之
功仰同帝澤覆露之感篤切東邦云爾并題
四韻屬同游和之

朱之蕃

層樓覲面是南山朝暮生雲出更還大溥甘霖蘇壠

畝旋添清泚瀉滄灣浪浪夜枕孤燈炯渺渺關途去
馬閒愛客轉嫌歸計促雨餘峰頂待躋攀

次韻

柳根

佳氣浮空木覓山山形如往又如還平臨闕闔長
安陌俯瞰煙霞漢水灣雨後漫看千態變樽前能
得幾時閒流膏澤物皆天賜欲謝天扉不可攀

李好閔

捲箔平看木覓山山靈多事送青還雲蔽真面時
呈黛巖瀉清泉或作灣樹木新從兵後蔚風煙長
向檻中閒名樓會取畱人意雨歇丹梯倘可攀

皆春亭

朱之蕃

亭結山椒景坐收城闔民物見嬉遊鍾聲度嶺耕耘
疾鳥語穿窻草樹悠市易無譁惟布粟琴樽有興寄
賡酬竭來箕踞舒遐矚縱迫王程十日畱

既己名亭不可無述

因賦此篇

次韻

柳根

朝來爽氣望中收坦腹多時慰遠遊把筆高吟雲
靄靄卷書相對意悠悠空餘華扁長瞻仰終負清
樽迭獻酬喚作皆春知不偶恩光常向此間畱

李好閔

物色輸公任採收小亭頗豁愜仙遊
兵餘甲第蕭條甚天末遙岑眺望悠
題詠風流容競賞雲煙嫵媚鎮相酬
邦人却怪星虹氣爲有楣間寶墨留

漢城內外有兩蠶頭峰予獲遊城外者
僭易其名因述命名之意

朱之蕃

曉作蠶頭覽勝行王庭傾從重離情
嶙峋共陟臨懸壁浩渺仍凌渡遠泓
酒對青山雲石冷江搖白浪海潮生
明朝芳草連關塞回首清歡憶漢城

次韻

柳永慶

今日清遊明日行蠶頭物色屬高情
仙風颯颯雙

旌蓋僻壤區區一石泓極浦潮來青草沒遙山鳥
度白雲生不知馬首依倚否煙樹通州向鳳城

李好閔

今朝佳雨駐仙行得侍蠶頭別有情與漢同流多
赤壁探龍何在摠幽泓波涵紅日看看下鳥度青
山箇箇生非謂中原無此勝奇遊猶足詫燕城

李光庭

錦筵瑤瑟酒杯行沙鳥江雲覺有情晴岫日邊呈
玉朶怒濤風裏亂銀泓歸心休說催歸馭此別懸
知隔此生遙想後來相憶處漫將離夢寄 皇城

柳根

漢水清遊復此行
登臨亦足暢幽情
前橫栗島後三角
上有瑤空下一泓
正欲移舟須月出
還愁解纜值風生
却畱寶墨鑱巖石
仙馭飄然返赤城

李廷龜

芝蓋聯翩並袂行
白鷗飛近引閒情
高雲錦席千尋壁
斜日蘭舟百丈泓
勝境豈期叨此會
宿緣應是在前生
陪歡不覺明朝別
愁殺歌筵唱渭城

徐涪

下界仙遊說此行
岸花汀樹總含情
離懷賴酒傳

瓊竿漫興催詩喚寶泓風陣效竒吹練急水村如
畫暮煙生他時歷略長江勝倘記湖山似石城

許箴

江路堪忘十里行青山綠水愜高情層崖遙矚矗
蒼玉近渚薄沿凌碧泓樂意却隨舒景展離懷還
共遠風生懸知他日臨流處目極煙波接帝城

韓浚謙

甍輟嚴程出郭行漢濱高會有餘情煙波一望連
滄海石壁千尋俯碧泓宿雨乍收汀草濕晚風時
起浪花生仙舟蕩漾迷歸處疑向蓬壺度赤城

三十五集

申欽

盡日蘭舟鏡裏行
江天物色愜幽情
鰲頭矗出千尋壁
蛟室深藏幾尺泓
勝地百年逢盛事
奇遊今夕冠平生
玉京何處重回首
悵望仙樓是五城

尹昉

泠馭乘晴出郭行
江山登眺足歡情
遙岑鳥度屏間雪
長笛龍吟壁下泓
當席屢承恩意重
臨分還覺別愁生
那堪明發西歸處
簫鼓迢迢向帝城

蒼玉巖

十九

朱之蕃

鶴背仙曹控玉虬
委來遺蛻積林丘
海神猶解供潮

汝永鎮江鄉衛 帝州

次韻

李好閔

碧霧中間駕赤虬天風翬翬渡江丘一劒明朝問

無處幾時騎鶴下楊州

時老大人有南京掌院之命故末句及之

柳根

蒼玉形如舞翠虬羽人相遇是丹丘三韓方丈非
虛語海外何曾有九州

蠶頭峰

梁有年

千山列隊飲江濱驤首層霄此不羣平巘可棲樓十
二蒼巖能控水滎汙座中景色窺天畔杯底雲光帶

夕曛最是一帆風更好浪花飛作雪紛紛

次韻

柳永慶

仙遊例枉此江濱造物呈奇故絕羣岸以圓平爲
陡峭流從盪汨更齋沍盤渦驚浴晴仍暖一道鴉
歸日欲曛思切望雲誰得挽不堪離鬢白紛紛

李好閔

別後相思到水濱蘭舟已失列仙羣岡巒隱隱雲
天盡江漢滔滔波浪沍會值郵筒傳逸韻朗吟鰲
背對斜曛清湖信是元賓地風景依然鬢白紛

李光庭

蒼峰傲兀大江濱
陰巖開宮鼉陣羣
潮恰沒痕通外
漲流何擇細類河
汙壓天仙舸風無
恙緣葦漁榔渚欲
曛此別銀潢知去
咫幾團機石白紛
紛

柳根

危峰高挿大江濱
天馬昂頭迥出羣
列岫森羅來隱隱
層波蕩擊逝汙汙
楊花渡口風還急
銀杏亭前日欲曛
爲報簫笳莫催發
佇看沙上月紛紛

李廷龜

千尺鰲頭立水濱
箇中奇勝離人羣
遙山罷霧晴光矗
急瀨迎潮疊浪汙
共惜殘尊臨別路
不妨歸

袂拂斜曛酣來乍覺風濤靜爲有清詩一解紛

徐涓

雙旌遙駐暖沙濱鷗鷺驚飛亂叫羣徙倚朱欄觀
浩浩徐牽錦纜遡沄沄風光供眼詩先就歌舞畱
人日易曛明發有行歸思促長堤車馬奈繽紛

許箴

爭瞻威鳳映清瀆勝事還驚鷗鷺羣玉壁貪看氣
象好蘭橈逆上浪波沄聲喧簫鼓江疑動興溢杯
觴日任曛千古蘇仙餘物色剩觀瓊玖擲紛紛

韓浚謙

楊花落盡漲河濱
蠶嶺奇觀迥出羣
千古江流何衮衮
二仙聲望極沄沄
風生近渚潮初上
雨過遙岑日欲曛
惆悵雲輶畱不得
滿汀芳草思紛紛

申欽

平郊十里接河濱
深巷移舟起鷺羣
石壁過雲生氣色
海門輕浪望齋沄
休將客意迷芳草
且盡清歡到落曛
天外仙輶那可駐
臨歧愁緒正繽紛

尹昉

再陪冷馭向江濱
軒鶴昂昂鴈鷺羣
風送輕舟還泛泛
雨添新浪更沄沄
魚龍出沒滄溟動
簫鼓鏗

銅白日曠賤子幸蒙寬禮數不妨終夕醉續紛

仙遊峰

并一日書於坡平館

朱之蕃

出水危峰立卓然挈舟欲渡浪兼天北窻不鎖遊仙
夢飛上江中孤嶼巔

金華島

一螺青島帶平沙恍若浮來上漢槎誰置霞標明海
國晶熒晴日耀金華

次韻

柳根

削出芙蓉縹緲然壺中別有大羅天相望咫尺終
難到安得吹簫最上巔

右仙遊峰韻

芳草晴川繞白沙中流畫舫替仙槎長風吹浪催

歸去不見金波散桂華

右金華
島嶺

賢王郊餞于慕華館望遠爲別寄謝志感

二十

朱之蕃

經旬歡宴接離筵賓主忘言意已傳袂判郊亭分去
住情隨原草各綿延相看青眼三生夢一片丹心萬
里懸塞鴈江魚通尺素莫嗟東海隔南天

慕華館宴別

梁有年

十里郊垆惜別筵離情脉脉譯來傳銜恩未報乾坤
大敬使先圖頃刻延山館朝霞明舞袖僕夫驪曲雜

宮懸深杯易盡心無盡兩地同瞻月一天

次五峰樞相贈別韻求正

北一日書於坡平館

朱之蕃

柳折長亭碧玉枝相逢十日遽相離
投予明月懷中句任爾青山路口歧
元禮門高欣得御林宗風邈更題碑
難忘灑淚論心處漢水鍾雲各髮絲

原韻

李好閔

西郊楊柳綠千枝折得長條贈別離
豈有浮丘父下界空教阮籍泣窮歧
清歡可忘江干會厚意還瞻墓道碑
約到金臺思不斷此心真似藕中絲

次韻別李中樞國相館伴

梁有年

黯黯銷魂馬去遲，
可堪新綠蔭荷池。
一生未解殊方別，
百歲能忘此日思。
山水有緣偕賞遍，
語言不待已襟披。
欲知去後縈懷處，
想像清光月半規。

原韻

李好閔

相送皇華出郭遲，
青山如畫燕差池。
閒花不似來時路，
垂柳空傷別後思。
天上瓊樓元縹緲，
人間寶篋漫離披。
年年芳草無窮恨，
却怨逢春有子規。

皇華集卷之四十一編目

萬曆三十四年丙午頒

皇大孫誕生詔使四

皇朝集

皇華集卷之四十一

題許相公寄朴叅贊

忠元詩冊遂步其韻

二十日

朱之蕃

四十年來續壯遊
高懷想像賦登樓
海天弘度詩篇見
金石交情黑竇收
調合牙期良不朽
功成管晏信堪羞
欲知身後清風遠
五畝茅堂一故裘

其二

當時陶謝述同遊
共返瑤京白玉樓
彩筆畱虹天外落
龍精飛劍暗中收
題緘重省存風雅
尸祝常思薦俎羞
謇我疎狂難振藻
可堪貂續翠雲裘

納翠亭爲李觀察因求和正

翠滴深松雨後山隨風和月落柴關主人川上操舟
楫閒却苔英滿地斑

其二

鳥啼花落午窗幽竹栢交加翠欲浮乘暇不須吟更
奕翛然枕簟卽丹丘

次韻

京畿觀察使李弘老

海內高名仰泰山却畱瓊唾賁松關颺輪一去音
塵隔北望燕雲鬢欲斑

酷憐新構地偏幽嵐翠霏微檻外浮健筆定應神

鬼助時時風雨繞荒丘

月沙李丈寄詩送別步韻爲答用代面談

朱之蕃

同是天涯骯髒人冲襟寧肯墮囂塵應隨牛馬猶存
舌勘破風波患有身種樹一編爲活計柴桑幾帙作
家珍但教吸月杯常滿莫照青銅白髮新

原韻

李廷龜

數日叨陪遊賞密邇笑談薰挹德宇此實
千古所未有之盛事况蒙辱惠詩扇墨妙
如獲拱壁什襲巾衍風輪倏返勝遊如夢

曷勝瞻想敢攀瓊什用寓榮感悵黯之懷

云爾

翰閣仙曹天上人
鯁生何幸接清塵
文章李杜應方駕
墨妙鍾王是後身
四偈法言心上訓
一團輕筴掌中珍
台躔夜夜瞻霄漢
對越瓊詞面目新

柳川韓丈寄詩送行和此請正

朱之蕃

夜雨旋添碧澗湲
坐分仙榻憶鳴舷
欲成後會嗟無日
忽枉新詩悵各天
歷亂雲山歸魏闕
依微江樹隔晴川
懸知萬里隣同調
一壑松窓伴月眠

原韻

韓浚謙

漢江蠶頭兩高會實海外鯁生不曾圖之
盛事重蒙辱惠詩扇并揭畱柳川二大字
不勝感兢謹次扇上詩韻追伸謝忱死罪
死罪

相思臨水聽潺湲不忘清江夜扣舷
萬里關山難縮地百年魂夢幾朝天
新詩灑落畱篁扇彩筆飛騰揭柳川
未死酬恩更無路會將仙躅倩龍眠

時陪

遊諸人方謀繪跡以寓滂
飛不復之思故落句及之

重過迴瀾石仍遇雨

朱之蕃

來觀川漲聽新雨歸路依然風雨中
底事山靈常黯

黥欲畱車馬去倥傯煙光噴玉籠蒼嶼萱萼流金濕
翠叢借榻郡齋啼鳥寂疎簾弄影對濛濛

次韻

柳根

經旬列子御冷風勝跡還歸一夢中節序如流常
衮衮賞心何事每惓惓濺珠却憶銀河落招隱空
懷桂樹叢爲謝山靈好畱客滿天煙雨銷冥濛

題聽泉仙榻

梁有年

初旬憇蔥秀山余飯幄次元介兄移飯玉溜
泉旋坐溪邊余亦逍遙踞泉間獨石石間有
級若可坐若不可坐而上下前後左右諸勝

則具在目中余置蒲團于級倚石坐良久興
滿意足就元介兄溪邊飲浮數大白各馳馬
去靡及在念前興都忘不知坐之爲夢石之
爲何矣不再旬歸坐處已削平如榻可容五
六人元介兄謂余曰子向所坐者今可復識
乎余曰主人娛客好勝一至于此不可無一
言紀之元介兄則已擬聽泉仙榻名待余至
矣余曰佳哉名乎榻所有不止泉而聽泉其
首義也心之發竅莫要于耳目物之會心莫
過于泉水若在川若觀水以目遇也以目遇

者非鄒魯不能鄒魯者必諦聽而後知泉之
足聽聽之得泉也能聽泉者其非凡耳可知
則亦非凡榻矣爰綴蕪詠用紀顛末若干泉
則未之能聽也

去時踞雲梯歸來坐仙榻仙榻高不危雲梯低可踏
雲梯仙榻無定形斤斧誰教役五丁憶昨踞時興久
足移向溪邊醉已醒得趣忘言併忘意寧期下榻有
仙靈拂拭不煩風裏淨被月鋪霞相掩映湘簾何如
松簾香蜀錦應輸雲錦靚環珮珊珊宵晝聞朱絃曲
曲何時竟數聲鶯語挾清響幾樹鳴蟬和玉詠飄楓

滴露韻若賡折竹飛霏音與競閒來四節有餘聽聽
來萬染都消屏閒未得時聽未終馬蹄獵獵逐薰風
竹窻若可安魂夢爲謝多情思不窮

次韻

柳根

昔者陳仲舉客去便懸榻仙榻有雲梯塵蹤難可
踏嘗聞胎仙能幻形誰識遼鶴身姓丁蓬萊仙人
乘槎來不待餐砂塵慮醒去時蒼壁今玉牀誰其
主之應巨靈兩岸林木繁陰淨無復巖間紅綠映
鑿開幽竇玉溜迸攬去翳朽新粧靚聽泉何似水
樂亭却知清興真難竟兩仙對坐巾屨同招我一

皇朝集
觴又一詠除却泉鳴更無聞始信水流心不競冷
泠抑揚含宮商潭底蛟螭覺潛屏誰吹玉笛曲未
終颯颯天末來長風此後何人能解聽石不磨滅
泉無窮

聽泉仙榻題句

朱之蕃

絕壁懸泉露隙光
芟除榛莽響琳琅
仙家應解窮佳
勝醉月飛來藉石床

其二

楓林綠暗雨初收
曲竇泉通別洞幽
旋鑿崖根青玉
榻可容歸客不遲留

次韻

柳根

寶墨鑱崖落鏡光
泉從嵌竇滴琅琅
鑿開蒼壁爲仙榻
何意凡蹤共對床
風煙盡入錦囊收
水自泠泠谷自幽
仙榻莫愁長
閒寂夢中笙鶴有時留

棘城望海

歸路不由
洞仙經此

朱之蕃

雄城百雉憶巍峩
剪棘披荆荷戰戈
野樹棲雞閒白晝
幽花啼鵲墮青莎
徒誇遠略馳溟渤
漫侈軍容列鶴鵝
千載勞勞興廢事
河山無恙月明多

次韻

柳根

幾疊遙山擁業我紅巾爲賊此橫戈當時戰骨埋
蒼蘚終古煙波鎖綠莎元季風塵騰萬馬洛城荆
棘出雙鵝今逢聖代恩無外草木猶霑雨露多

棘城去海門不
遠有綠莎浦

丙午孟夏廿六日午卧清歡閣餞宴後再登迥

暮靜適述此見况

朱之蕃

芸閣快登攀虛簷縹緲間借眠宜永日延客有佳山
繞砌翻紅藥推窗倒白綸雲隨飛雨散鳥破暝煙還
性懶簪珥集身耽茗椀閒棲枝游八極蹤跡任人寰

次韻

柳根

樓高未易攀境絕出人間雲霧空中閣蓬萊海上
山星槎來縹緲袞職在絲綸關內青牛返遼東白
鶴還斑衣頻入夢隱几暫乘閒却恐芝輪遠仙凡
隔海寰

都下見皇華舊刻有先輩曾爲二體詩者輿中
漫興效顰成數章非敢以文爲戲僅同無所用
心爾不能棄去錄博一笑

朱之蕃

東坡體

十二首

雨
壽
樹
陽
出
峯

禁步虎生歎茸

雨灑平疇樹色濃斜陽半出小山峰
閑襟散步無思慮獨坐谿頭細草茸

燈燈村途覩門月

烟霧山孤宜罇

燈火微明古木村長途又見月當門
輕煙薄霧空中盡到此偏宜酒滿罇

城漸成
指遐衍
嶺
艸鹿
山花輕

長城漸遠又開城
屈指遐方半月行
高嶺草肥塵土少
空山花簇小車輕

水水
岸
奔時明
首
園
夫
方
隍
然

冰開水闊岸頭平柳線長時月倍明回首小園春去
日遠方耳畔不聞鶯

雨紛泥聞唱櫛

春堯倚窗香晒

紅雨紛紛化作泥空聞三唱隔林雞一春孤枕人長
倚寶篆香微日墜西

海

日

水

熙

江清

擊舟興繪手鯨

海偏紅日斷雲橫返照長江一水清到處小舟可乘
興垂綸大手釣長鯨

風雨沙却春花

草生度天_云月

微風細雨水連沙少却二春紅白花短草半生坡上
土長天雲散月鈎斜

亭出山
其卧丁留

以入簫
鴛魚點秋

危亭高出小山頭
但到亭中半日留
吹斷玉簫鳴鳳
曲全無一點上心愁

璿雨段
短林家

口力重鍾
想
尊化

天外長峰帶短霞
澹煙一抹少人家
重關遠別三千
里空想開罇對落花

釣水罇月當酒

錯山絕也須我鷗

垂鈎入水可橫舟
片月當空酒似油
倒影四圍山色裏
直須添我傍輕鷗

壺更黑燈叨

三華集
思
懷親
涿
湧
北
夕

壺中漏水過三更半點殘燈總不明
歛枕長懷親白首天涯海角夢難成

亭
亭
鏐
鏐
留
解

日
來
事
山
館
待

短長亭子共嗟我顛倒心思悶轉多
白日坐來無一事半山空館待如何

回文體 六首

妍芳景屬賞春先
轡攬時催馬策鞭
連接樹光雲吐岫
繞廻山色水平川
眠鷗白處橫舟釣
墜日紅生晚炊煙
年似晝長途曠野
芊芊草合望村前

右春日

中天曉露湛芳叢
領引瞻雲紫極宮
驄鼻玉嘶郊草綠
酒樽金映燭花紅
攏簾點落春泥燕
澈浦融消雪迹鴻
同與狎鷗羣泛泛
風帆一棹舉江東

右鄉思

遊遠恣宜清壑澗
舫輕思在美蓴鱸
鳩鳴隱櫳棲禾

麥鳳舞歸林合竹梧洲曲遶流江派遠嶺西飛出月
輪孤搜奇足遍凝眸望愁客消來移畫圖

右遊興

占重卜卦易朝昏屈指從前憶怨恩蟾兔映絲千柳
岸燕鶯藏樹萬花村簾垂獨我陪香篆酌舉同誰共
酒樽奩鏡對慵心體倦添愁悶處啓窓軒

右閨情

枯榮幾問借筇扶熟藥丹期定有無孤興野如清露
玉逸懷真若湛冰壺紆衫舞影驚鴻戲度曲簫聲引
鳳雛鬚髮映燈明月皎呼歌間奏雜笙竽

右醺飲

悠悠任興寄遨遊覽眺吟餘嘆阻脩畱滯客途關遠
塞蕩搖帆影島橫洲抽芽蕨綠羹杯滿聚蟻醅香玉
盞浮謀醉得登頻愜意樓虛啓納景清幽

右登樓

次韻

柳根

花春樹
飴翠峯

亭日愁
浦茸

花落春殘樹木濃
斜陽空翠接高峰
長亭目斷愁心絕
隔浦平沙亂草茸

逕林村橋柳門

簾
習
位
花紅
甃

曲徑疎林山下村
小橋垂柳拂重門
半簾缺月人孤立
花底紅稀倒玉尊

路城

門
皮
行

幌
煙
春
雲
雨
輕

高低細路傍長城門掩空庭人獨行
虛幌篆煙春日永淡雲微雨正輕輕

逕
草
窻
明

簫
笛
管
榷
鷗

三徑縱橫細草平
窻間虛白月分明
短簫長笛無人管
夏木陰邊半出鶯

途

雨泥

蕪

鶴

野天

雲

河東

駟

長途斷雨灑黃泥花裏孤村半午雞大野連天雲
似墨河流東去鳥飛西

雲

天

融

林

翠

涓

帆

日

冥

劍

波

鯨

雲斷遙天獨鳥橫疎林空翠十分清
片帆殘日蒼溟闊長劒開波斬巨鯨

江沙

洲

蓼花

橋望腸

昭天

傳

江水成流浸白沙長洲側岸傍開花
平橋回望腸偏斷落照天涯鴈字斜

生

顛

浦邨

溜

重
遠
渺
峯
晒
愁

無人獨坐白成頭
浦口橫雲傍水留
千里遙空目
空渺亂峰西日結長愁

嵩

霞

流

易

程塞

斤

岸

花

倒景嶙山片片霞
半邊流水半邊家
長程接塞行人盡
濶岸參差隱草花

柳

磯

風水

潘

江畫

半

綸鷗

垂柳磯邊繫小舟斜風過水水如油空江永畫無人伴裊裊纖綸拂白鷗

應更

永

霸

情

聲

夢

万

露滿空庭近二更中天缺月滿雲明多情壁裏孤
燈暗片夢朦朧半不成

雙峰水

雨謁

雲

多

雙峰

見

何

何

雙峰臨水並峩峩斷靄微雲夕更多塵土半生形
役裏其如稀見可人何

以上東坡
體十二首

妍華滿路客看先玩賞行吟縱馬鞭連岫疊雲埋
斷樹小橋橫澗注流川眠酣蝶粉滋花露語鬧鶯

梭織柳煙年抵日長愁罷夢芊芊綠草遠郊前

右春

日

中天碧岫列叢叢半夜愁人對月宮
驄繫柳堤江漲綠鶴盤袍袖錦摛紅
櫳閑曉霧花藏燕塞捲遙雲渚落鴻
同客遠州鄉念苦風流最是憶吳東

右鄉

思

遊人幾處頻沽酒客餉多時細膾鱸
鳩喚夕林煙裊竹鳳巢春檻月低梧
洲長接海飛雲斷樹暗連江落日孤
搜盡好詩清興逸愁生眺景晚開圖

右遊

興

占蛛獨坐夕燈昏重覺情深妬寵恩蟾彩照帷羅
宰地柳線鋪逕雪連村簾珠捲雨紅飄檻爵玉斟
醪綠滿樽奩暗閉鸞孤舞鏡添新恨處鎖楹軒右閨情

枯藤瘦挂任人扶老至先生一事無孤月夜筵開
綺綉霽雲春色漾觴壺紆縈細唱排珠串嫋婉清
簧奏鳳雛鬚髮雪明高燭短呼盧戲輟暫吹竽右飲

悠悠極目騁仙遊峻陟還愁客路脩畱月壁欄迴
接棟鎖煙青野迥連洲抽簪亂岫連雲矗繞帶長

川劃地浮謀醉熟知真趣逸樓危倚遍暢懷幽

右登

樓以上回
文體六首

五峰館伴再和別詩依韻仍答

廿八日

朱之蕃

漸遠東邦瓊樹枝濃陰夾路轉黃離客隨過雨雲歸
岫君似鳴陽鳳在岐山繞蓬萊宜問藥名同漢水不
沉碑相思更屬尊鱸候明月清溪理釣絲

時蕃將南
歸里中

原韻

李好閔

嚮日郊院大柱爺以病先發轉眄間仙輶
已遠莫遂攀別實切瞻悵敢將俚語授朴

堂去正慮浮沉伏蒙大柱爺不遺下賤次
坡平館題賜和章盥手展緘清風已颯颯
然爽我煩襟曷勝感兢謹疊原韻用效謝
忱伏惟台亮跛鱉蹲伏東海大柱爺且有
鍾陵之行縱有朝天使到北京能復嗣
音以慰下情耶此懷耿耿畱作未死前長
恨爾臨楮忉怛肅此不宣死罪死罪

詩到開緘拜玉枝詩中愁思看離離鶯啼古院依
前夕柳蔭長橋是別歧一幅新圖江漢會數行清
淚峴山碑倘教松栢容相托恨不將身學蔦絲

時方

謀寫漢江蠶頭兩會流
傳勝事故第三句及之

復用郊院別席韻奉副使惺翁柱爺行軒

好閔叨陪館下立春風中適旬日矣別後
瞻想正如夢到清都拍洪厓肩日昨西郊
青山夔寂谷鳥嚶鳴徘徊悵望有兒女子
之情辰下伏奉芝函寄和別章不料仙凡
已隔猶繫戀於塵日也開緘諷詠感極而
悲此生餘年何日而忘耶蘭翁大柱爺體
中不佳未獲攀袂良增歎缺卽惟鼎裊復
常未注遡如川猥將蕪語敢續高唱在另

皇朝集
楮天氣漸熱伏惟行李萬福臨牋曷勝黯
然肅此不宣仰希台鑑

西郊相別欲歸遲歷幾山磳度幾池春盡關河千
里夢夜深風雨百年思見畱詩箋心常注重遞郵
筒手自披每憶飈輪成漸遠日邊敷奏伏青規
平壤十六景

朱之蕃

德巖

大同江上千尋石抗立洪濤易見功 聖德自崇波
自靜萬邦應共識 皇風

酒巖

三杯百悶破香醪邀月尋仙興更豪但得棲巖甘痛
飲何須幽憤讀離騷

朝天石

絳節霓旌咫尺臨朝天一騎五雲深惟餘石下潺湲
水猶似當年笙鶴音

麒麟窟

三窟經營憐狡兔九天寥廓指麒麟但寶不貪無外
慕隨緣陸海總仙真

乙密臺

山際高臺瞻乙密海中瑤島隔三神仙飈來往渾無

定笑謝塵勞車馬人

井田

箕封舊俗惟耕稼有事西疇正及春阡陌未開遺制
在民需潤澤國當新

錦繡山

東方景物佐探奇千丈山容錦綉披不用臨風增遠
思春明正屬晝游時

牧丹峰

日麗霞蒸海國春牧丹峰色翠嶙峋尋常花萼難相
似華嶽蓮開玉井新

綾羅島

峻嶒島石疊江沱麗日晴嵐景色多舉國服儒裁布
素穠華端不羨綾羅

大同江

東來春雨漲春江閒汎江天畫槳雙江水不隨鄉國
異聲同楊子共淙淙

快哉亭

孤亭傑出海天空指點荒基說故宮旅舍幽閒遺化
美只應重賦快哉風

練光亭

聞道泰山登日觀遙從匹練識吳門東邦亦有江千里日弄晴光遠近翻

浮碧樓

山樓百仞聳奇觀碧水粼粼入渺漫把酒臨風生遠思蓬萊宮闕更高寒

白銀灘

迴風撼浪鼓灘聲萬疊銀花眼底生疑向山陰浮短棹千峰晴雪月中明

風月樓

池上樓臺蘸綠波海風吹送月明多爲憐夜氣清如

許不種薔薇種芰荷

挹瀨樓

山城高處矗層樓
海甸風光萬里收
明月一天流瀨影
不辭鯨吸滿金甌

次韻

柳根

巉巖一片臨江石
屹立千秋捍水功
下有神龍爲窟宅

故將雷雨鼓

皇風

右德巖

中山妙法造芳醪
石縫餘糟語轉豪
吟到芙蓉千

日醉不妨江漢擅風騷

右酒巖

朝天片石一登臨
碧水西流歲月深
隔浦何人吹

玉笛悅聞環珮半空音

右朝天石

天孫當日役江神汗漫騰身跨翠麟千古精靈應

不滅碧空何處獨朝真

右麒麟窟

突兀層臺泚水濱煙開雨捲露精神凌風直欲躋

高頂倘見雲間綽約人

右乙密臺

八條遺教在東民同井爲田問幾春更遣三韓霑

雨露祇今邦命屬維新

右井田

錦繡爲名已自奇晴天紅綠更紛披何方喚起王

摩詰寫出煙消翠滴時

右錦繡山

富貴花無十日春如何錯比碧嶙峋天邊一抹脩

眉似萬古長畱黛色新

右牧丹峰

鰲背浮來江有沱瀛洲十島未爲多蘭槳桂棹沿

洄久雨後煙波淨綺羅

右綾羅島

鴨綠清川大定江大同形勝信難雙平鋪淨練終

歸海涓滴元從萬壑淙

右大同江

小亭飛出近煙空直欲超騰向月宮喚作快哉猶

未足不如江上御泠風

右快哉亭

一練分明迥抹坤危欄高壓大同門躍金沉璧真

難定長帶朝暉夕照翻

右練光亭

無侈前人廢後觀舊遊蹤跡未應漫何當幻出空

中閣百頃平湖瀉廣寒

右浮碧樓

風送晴灘浙瀝聲江天四月雪花生白銀雖白終

難擬疑是秋來河漢明

右白銀灘

冰輪徐轉散金波蘋末涼颼入夜多珠露團團仙

掌迴玉欄干外聳高荷

右風月樓

大同城畔敞譙樓千里湖山一望收再造藩邦恩

浩蕩萬年長得保金甌

右挹瀨樓

平壤十六景

梁有年

德巖

由來地德稱能載川湧巖根藉奠安試問含靈興寶

藏何如獨立障狂瀾

酒巖

列星垂象泉名郡世有仙人定酒家
天啓靈巖招飲者故教玉乳滴流霞

白銀灘

怒濤十丈捲新潮散作銀鱗萬點飄
直欲尋仙蓬島上凌空白玉好成橋

錦繡山

織錦機頭雲縹緲窻前刺綉月玲瓏
雲光月色兼山影絕勝人工見化工

乙密臺

虛臺高敞出山巔
海甸江天指顧間
駢牡敢云消旅况
驂鸞端可挾飛仙

牧丹峰

山開錦繡麗春陽
更有奇峰獨占芳
萬壑千巖如衆卉
也輸艷質號花王

浮碧樓

望餘丘阜接浮嵐
水面玻璃萬頃涵
鍾梵一聲塵念淨
高眠直欲借精藍

練光亭

嶺海波恬白練鋪壯遊今再見東隅神怡心曠耽玄
賞更愛江涵月影孤

井田遺制

千載箕封幾變遷宜民古法至今傳淳風猶自存耕
鑿不問河源問井田

朝天石

仙客朝天去不還馬蹄穿石跡猶傳祇應化鶴歸來
日依舊蒼山鎖暮煙

風月樓

荷香暗遞風多力酒盞明催月有功貯得樓頭風月

滿城闐疑是蕊珠宮

麒麟窟

八駿荒遊傳穆滿列仙幻迹紀東明漢廷千里還須
却不遣麒麟浪得名

綾羅島

曾向支機取石來鮫宮海市爲誰開輸將遙接煙波
外堆積綾羅待剪裁

快哉亭

披襟馬上瞰江流不負乘輶萬里遊縱目虛簷何所
快晴波如縠散汀洲

大同江

沸流東注勢悠然雜派支分匯巨川浩渺大同江上
水朝宗北海映南天

挹瀨樓

江天瀨彩正無涯挹取樓頭泛紫霞吹徹長風煙靄
淨微茫島嶼指仙家

次韻

柳根

巨石臨江面勢頑神功萬古鎮磐安雲濤到此流

平穩雖遇顛風不作瀾

右德巖

鏡裏仙舟替漢槎玉人來自玉皇家此江未變

葡萄酒却遣蒼巖迸紫霞

右酒巖

綾羅島上不通潮灘響隨風雪片飄回棹却從浮

碧去青雲橋對白雲橋

右白銀灘

錦繡山高倚半空畫圖新就最玲瓏定從織女機

頭出未必夸娥枉費工

右錦繡山

天際遙橫最上巔彩雲明滅有無間吹簫真侶依

俦見不必餐砂更學仙

右乙密臺

洛陽紅艷競朱陽嫵媚山光並擅芳直到夜深添

勝絕白蓮花萼出龍王

右牧丹峰

長林如織染輕嵐石壁攢青鏡裏涵更有遙山齊

送碧雨餘江色正接藍

右浮碧樓

謝眺詩中淨練鋪却隨雲影入庭隅清宵倚檻渾

無夢海月江風兩不孤

右練光亭

用夏變夷喬木遷箕疇遺法儘堪傳橫渠正欲追

三代衛鞅何心廢井田

右井田

長空過鳥亦知還異事猶煩萬古傳爲問天孫何

處去獨畱江月管風煙

右朝天石

招邀江月挾天風酒到無功使有功滿院荷香荷

露滴却疑身在水晶宮

右風月樓

白日昇天真恍惚至今樵牧說分明金毛定向雲

間卧石窟空畱萬古名

右麒麟窟

海上金鰲戴得來閩風蓬島此中開綾羅自是尋

常色琪樹瓊花倘剪裁

右綾羅島

檻外橫分碧玉流綺窻風日從神遊東民快覩丹

山鳳共說笙簫過十洲

右快哉亭

聖代恩波浩蕩然箕封盡入禹山川沮江日夜流

千里正爲朝宗達海天

右大江同江

譙樓壯麗鎮西崖非爲嬉遊管驚霞何幸天仙重

過此自今仍作羽人家

右挹願樓

經愍忠壇

朱之蕃

纍纍盈道左盡是戰士墳七尺爲一朝萬里遊英魂
憶昔壬癸間海沸騰妖氛焚掠無畱行踪踐半東藩
赫然張皇威樓船渡三軍攻堅摧強鋒轉戰朝日
昏拔幟登崇城矢石蝟毛紛報國靡顧身竹帛冀垂
勲視歿坦如歸爲厲伸煩冤不恤枯萬骨拯此一方
存生當大平世罹禍信無門青燐搖慘月怒氣盤秋
雲啼血化鵲歸何處爲家園大將逐驕虜捐軀酬主
恩爾曹生相依九原歸忠勤禦侮藉陰佑永爲正乾
坤

次韻

柳根

人生皆有歿北邙多古墳哀哀戰士鬼萬里未招
魂小邦霑雨露皇威清海氛壤地雖彈丸二百
年屏藩天心在恤小授鉞李將軍旌旆渡江來指
天天爲昏攻賊無堅壘迅掃卽解紛摧枯拉朽易
一戰樹高勲蜂蠆猶有毒賈勇翻成冤當其大呼
時豈顧一身存蟻附爭登城先從普通門赴歿不
知避可惜幾趙雲痛哉愍忠壇形勢異杏園三韓
再生人何以報聖恩天仙作詩弔此意良已勤
將軍歿雲中大功在旋坤

望愍忠壇弔東征戰沒將士

梁有年

一戰功成復古京捐軀千載有餘榮志期賊滅寧俱
殛身在師中敢愛生異域江山靈爽著百年閨閣夢
魂驚不堪此日經過處脉脉鄉邦感慨情

次韻

柳根

藩邦控扼衛神京拒賊輸忠歿亦榮天意固存期
恤小王師賈勇却忘生乾坤震盪仁無敵鋒鏑摧
傷事可驚遙望空壇賦詩吊九原應慰未歸情

謁箕子墓

朱之蕃

肇建東方海上侯夢驚故國黍離秋但期殷社綿千
載何意周書列九疇大道有源滋聖海忠懷如月照

皇朝集
荒丘椒漿試奠松楸古遑恤天涯四牡畱

次韻

柳根

不期而會幾諸侯玄鳥之神弗祀秋天下爭瞻卜
周鼎海隅猶得列箕疇公歸無所還今日我因爲
臣只古丘能使東民知禮義天仙到此爲遲畱

謁箕子墓

梁有年

背郭松楸鎖畫陰羹墻仁聖悅徽音八條澤衍千年
祀麥秀歌殘萬載心道在乾坤傳禹範義懸日月照
東岑殷墟幾度如碁奕獨有遺風自古今

次韻

柳根

寶玉焚身白日陰離離禾黍動哀音九疇但欲陳
洪範三聖相傳在此心莫訝佯狂托被髮却將宗
祀寄鯁岑變夷能使遷喬木民受深恩遂到今

漢陰李中樞丈追憶中朝王給諫舊贈以詩命

予續貂迫歸草草應教不足存也

五月初一日

朱之蕃

漢陰丈人骨相奇關西夫子識英姿江上神駒逢伯
樂明珠投贈裁新詩終童白也非浪擬三十年事如
掌指弱冠雲衢早致身壯歲勲名滿人耳抱甕還能
獨息機憐予馭叱海天歸相逢續句持相贈倦鳥冥

皇華集
鴻遠競飛

雨發車輦

雨覆盆池翻白鷺雲籠絮帽掩青螺垂虹百尺凌懸
澗一夜新流欲卧波

次韻

柳根

添來小澗泠泠響失却遙山點點螺莫恨前途泥
正滑滿天煙雨揔恩波

西垞老丈圖示孤山隱居之勝爲賦長歌兼致
別意并祈和教以慰離懷

朱之蕃

魚水方歡已愛閒探幽卜築向孤山人但嗤君太早

計我欲於君窺一斑丈夫涉世亦玩世終南捷徑非
高致何須拂袖待功成簪纓自有煙霞氣才子東邦
君擅奇九齡揚眉能賦詩巨鰲早釣人爭艷一壑常
耽心自知主恩未忍言高隱爭如性與林泉近縱
有蹄涔活鮒魚還思豐草眠麋麋江東我亦稱畸人
忽漫乘飈布紫綸逢君江上遠相迓見君磊落超風
塵我吐狂言君發藥百篇酬唱筆無閣言言同調復
同心翩翩意氣翔寥廓仙榻新開對聽泉爲述孤山
盛可傳未將身隱情先寄試放裴王賦輞川幾疊雲
屏隔人境虛巖可鑑脩然影五噫猶如在會稽一瓢

何必尋箕頽浣花溪似映花潭蒼壁干霄挿渺漫
月光風在懷袖林翁溪友交巖巒有時棹舟或策蹇
嶺上歡迎興非淺醉意只在山水間課程不廢收詩
卷黃泥坂頭日杖藜上坂下坂牛羊歸山鳥漫呼泥
滑滑山行自解步遲遲開遍山花無所好松風滿耳
佐長嘯亭亭古貌各蒼髯謾謾一聲傳萬竅甃石臺
崇恣枕流憑欄魚樂入吟眸荷蓋翻珠非避餌荇絲
漾月不驚鈎言之自覺神飛越聞言令我逸思發恨
不追從向此中散髮行歌弄明月君歸自東我欲西
盈盈一水使人迷日沉遠岫鞭瘦馬斗挂荒城待曙

雞凋蕭兩鬢嗟行役幸接雄文慰孤寂指點幽棲更
會心爲證神交形不隔孤山處士說逋仙世遠風齊
地共偏疎影暗香傳絕調貫珠編玉讓君先閒中况
味欲言難那更緣深山水間無物贈君惟舊句不如
高卧且加餐

次韻

柳根

許身安得望偷閒孤山元是我家山家山入望歸
未能少年爲官今鬢斑翰林標格超一世飛上青
雲真自致大平天下流虹慶銅龍樓上浮佳氣遭
逢千載際會奇宣詔東藩緣誦詩我來江上將

君命一見驩若平生知詞吐洪鍾雷隱隱望之若
仙難可近小邦迎迓競殫誠所在奔波至如麋公
昔三策獻天人職親地禁掌絲綸海外鯁生亦何
幸乃蒙拂拭叨後塵金匕屢分刀圭藥下士早已
開東閣青牛出來關吏覺白鶴飛度遼天廓道傍
忽見玉溜泉雙碑舊蹟今猶傳我說西關少勝賞
雖有崔顥無晴川東南形勝離人境復絕幽邃唯
鳥影我家孤山湖左地若使在此真脫穎萬松亭
下映花潭流入漢江波漫漫拔地雲根峭蒼壁倚
天螺鬟浮翠巒山似高人長偃蹇笑我猶未窮深

淺公聞吾言領其要筆騰龍蛇詩在卷太乙真人
植青藜天祿閣畔候公歸東民爭欲畱白駒願公
旋旆少遲遲吳中山水公所好曾向蘇門發長嘯
入袖明月出滄溟披襟長風來萬竅樹影鍾聲滿
中流金山煙景入吟眸起來正答蒼生望文采炯
如珊瑚鈎川路阻脩不可越苦憶梅花雪後發如
今竣事及端陽歸興每在吳江月人道長安笑向
西夢尋舊路應不迷南京翰苑是道家不勞騎馬
聽朝雞願神豈被形所役雲霧窻深秋夜寂只恨
相望復萬里人間天上雲泥隔雖欲從公學羽化

三
三
奈此井蛙拘東偏中江分袂倍黯然黃鵠冲霄相
後先人生遠別是知難尚慰瓊琚留篋間道路綿
邈天時熱區區所祝惟加餐

孤山九景爲伴送使柳贊成題

梁有年

萬松亭

孤亭僻在海東隅清籟幽香溢五湖數卷黃庭兼古
篆種松爲伴十千株

黃泥坂

赤壁風流成往事黃泥煙景此方新主人未暇行歌
去作賦人今擬後身

觀魚臺

却嫌釣餌枉絲綸獨倚虛臺看泳鱗
忘去不知誰是樂朝霞夜月對清瀕

隱屏

屏開古壁煙霞老松隱寧知有意無
他日功成初服在任教邀月卧黃虞

霽月臺

明鏡非臺或是臺禪家微處總儒該
天心不如人心異臺上閒看霽月來

蒼壁

峭壁誰教巧剪成千秋雲物未曾更悠悠世路如脂膩幾見尋幽預結盟

迎客嶺

隔斷紅塵路欲苔逢迎偏倩此山開只緣鎮日雲深鎖掃石頻頻待客來

暎花潭

花底澄潭照月明日描花影漾潭清晚煙忽罩花枝暝又有潭邊好月生

孤山精舍

放鶴湖山有舊圖東藩今復見林逋青山爲客君爲

王爲報孤山總不孤

伏蒙副使大人孤山七絕九首感懼之極不
知攸謝謹奉二律伏希郢正 柳 根

故園泉石近松楸歸計悠悠數十秋正爲 國恩
難可答敢言身病未曾瘳清詩却使湖山重浪跡
空貽澗壑羞唯有夢魂常獨往乞骸安得老菟裘

其二

昔聞真隱出人間賭得幽居帝畫看何意塵蹤叨
儋接却煩仙筆賦溪山瓊琚滿紙歸傳誦魚鳥從
今定不閒沐浴恩波如緩歿白頭長望五雲端

賦贈許都監追步葵陽前輩贈其兄荷谷韻

朱之蕃

茅簷文席小山屏
窗啓湖天一鑑清
健翮爭看黃鵠舉
玄心獨抱白鷗盟
前身含衛鋪金地
飛夢瑤京謁紫庭
物外襟期元共許
莫從霄漢指庚星

其二

二難德器總維屏
冰玉壺中徹底清
秀水仙曹曾接席
祇園舊侶復同盟
賞心神駿看支廐
揆藻騷壇振謝庭
臭味芝蘭千古合
無勞聚散更占星

賦得默齋二絕句贈李都監

時李公相從往返于義州遂有此贈

曾結茅齋名聽默意在言忘任世喧一默輸君無二
諦直從混沌養靈源

其二

欲求道極惟昏默口海瀾翻摠喪真衆籟不鳴天宇
定誰知槁木抱長春

竹陰二絕句贈趙都監

時相從往
返于義州

名飲遺風托素琴溪邊六逸繼冲襟綠陰千畝君須
惜莫斬綸竿學鳳吟

其二

月穿泉葉明金屑風拂壇枝掃石苔何必更尋深處

避世人能幾子猷來

贈默齋兼求教正

梁有年

天道無言化自隨世間有舌駟難追三緘每厘金人
戒一勿常持孔聖規游息不離惟戶牖箴銘宛在卽
師資知君守德崇玄默片語還能繼訓詞

賦贈趙君庭堅

朱之蕃

方壺舊住海中山偶墮塵寰謫醉顏莫向馬曹嗟冷
局吟餘流水亂峰間

其二

同賦梅花領歲芳十年不調紫薇郎枋榆欲學卑棲

鷄威鳳看君千仞翔

趙君與予同生戊午舉乙未君出爲察訪予爲郎十二年始調

故篇中及之

龍濟午日

迢遙歸路自東藩
序入懸符望國門
鴨水三重淹浪跡
汨羅千古悵忠魂
清尊異地明蒲玉
綵縷高堂憶壽萱
更上層城舒遠抱
青山是處白雲屯

次韻

柳根

上界詩仙下外藩
芝輪忽返國西門
偶逢五月天中節
遠慰三閭水底魂
爲客屢飛南國夢
解憂曾樹北堂萱
明朝江畔簫笳渡
遙指祥雲日下屯

義州畱別西垞老丈

朱之蕃

阻絕離人是鴨江一天愁緒總難降
趨朝我陟山如櫛華國君懷筆似杠
漫喜獺囊歸欲富從知龍劒久難雙
吟編在把長相憶搔首篝燈聽雨窻

次韻

柳根

相隨不覺到中江旣見當時已即降
此去金陵隔箕壤由來析木杳天杠
清篇屢獲明珠百嘉貺全勝白壁雙
把玩一生常在手彩虹長得貫晴窻

西垞老丈接送余於江上把握四旬
意氣千古臨歧悵惘情見于詞錄似畱別

梁有年

春風劒氣江頭合露葉香珠句裏聞樽酒幾傾千里
月芒鞋同破萬山雲今生交誼看金石此去相思到
海濱佳節別君君共醉他年逢節似逢君

次韻

柳根

人生難處是相分落日饒歌漸遠聞別後孤懷頻
見月天涯遙望幾停雲銀絲膾憶龍泉館金屈卮
傳鴨水濱一簣清風長在手百年何地更隨君

龍濟午日畱別養吾怡叔併求教 梁有年

文星並逐使星移海外新知若故知驛路多情消旅
况詩才寡和振清思江山勝覽應懷舊朝暮延登好

獻奇玉帛歲將東土事重逢端候覲彤墀

畱別梧窓

觀察使
朴東亮

南自老

餞慰使
瑾

柳後村

承旨
潤

詞

丈併託謝

國王兼寄同遊及諸餞慰諸觀察

列位

歸心今喜及江關別緒朝來繞碧灣一路芳筵來白
岳諸君清興於酤顏封疆有盡終難決魂夢無羈自
到山寄語 賢王兼法從相思都在水雲間

題朴氏家藏詩冊步倪文僖公韻

天涯當日締心知別去猶聞思兩羈過眼浮雲看世
態遺詩先達有芳儀趨庭禮教貽庥遠報國忠謨奕

世垂東土江山饒勝蹟好將巖壁與爭奇

湖亭十景爲許都監賦

勝地多境冗不及遍詠聊從君家結亭之下
摘爲十絕不足爲湖山重也幸斧正焉

太虛亭

湖上危亭切太清亭邊湖水自澄泓水天渺渺渾難
別疑泛星槎傍斗橫

千秋觀

花開木落自春秋造化由來任去畱獨有林中飛觀
在千年雲水共悠悠

縹緲樓

樓閣空中舊有名何來縹緲露雕甍人從鏡裏依微望疑是東溟蜃氣成

凌霄峰

誰挿危標直上天平臨星斗自廻旋不因萬疊雲深鎖跨鶴峰頭好結緣

臨滄峰

千仞澄潭萬仞峰汪汪碧水浸芙蓉等閒莫上峰頭嘯驚起滄波卧裏龍

賓日峰

朝來暮去有嘉賓
滿目晴光意轉親
莫道山容如水澹
溪毛野蕝四時新

邀月亭

靜夜無人坐對峰
倩峰邀月過相從
東窻有破西窻看
一枕秋聲興倍濃

鸚鵡洲

拍天潮水載芳洲
好似杯從水面浮
試問主人興何若
王孫曾逐幾番遊

點滄石

湖上依微一點浮
雲根穿破水中漚
閒將小艇尋幽

去滿鏡煙光入望收

瓊花島

海上三山望去迷
瓊花何自到湖西
應緣絕壑非人境
也有神仙過此棲

奉別正使大人

柳根

叨陪後塵已浹旬
月過蒙致眷銘感平生
今當遠離黯然難勝
謹綴荒蕪情見于詞
非敢曰贈行云爾

玉節東來鳳詔頒
暮春江上始承顏
每稱四海皆兄弟
况此長程共徃還
浮碧樓前俯羅島
三清

閣上對香山高懷獨出形骸外雅賞常存水石間
玉溜爲池增地勝銀鈎鑱壁發天慳雲泥此日分
霄漢雨露千秋滿海寰目斷未堪魂夢遠形畱只
得鬢毛斑相思別後如明月萬里清光不可攀

奉別副使大人

遠別之難自古而然況此天上人間乎謹
以荒詞略致下情伏希郢正

銅龍佳氣鬱蔥然 詔下東藩萬國先天上由來
多雨露人中元自有神仙忽逢笙鶴星槎畔無限
煙花鴨水邊禮數縱寬誠不隔詩篇頻和意先傳

移船鏡面同浮白對榻雲根共聽泉莫道他時難
再會卽今相遇亦前緣山花有意常開落海月多
情幾缺圓玉樹冰壺看漸遠別來魂夢定相牽

奉別正使大人

成均館司藝李志完

淑氣鍾山孕俊髦斗南聲望屬詩豪希真標舉三
吳最公叔家風兩漢高象闕親擎丹鳳詔鯁岑
爭覩紫麟袍雲霄縹緲催飈馭仙鶴從今隔九臯

其二

一札天章照海陲
暫辭青瑣輟論思
光聯北極星辰動
名震東韓草木知
起陸龍蛇樓揭扁
騰

霄鸞鳳壁懸詩想歸講席承三接荷橐增輝白玉
墀

其三

獨步花磚侍 玉旒俄從紫極下青丘三場舊價
魁龍榜一代新聲賦鳳樓芝蓋却催天上返星槎
難挽海東留空餘繡句題便面幾對銀鈎更刮眸
奉別副使大人

蕭灑風標玉樹寒妙齡聲價動長安南朝文雅多
周翰東漢清高數伯鸞白簡舊聞陳九陛丹綸今
見布三韓襲薰蘭室真非分匝月趨塵意未闌

其二

離筵暫設鴨江東極目滄波接遠空
萬里仙槎還日下一年佳節過天中
薊門煙樹連青塞燕地山河繞紫宮
怊悵雲泥從此隔異時魂夢倘相通

其三

銅儲祥夢協羆熊萬國謳歌喜慶同
鸞誥遠分芝檢紫猩袍猶帶瑞雲紅
百篇珠玉奚囊富一節冰霜越橐空
霄漢夜來瞻象緯文昌還拱北辰宮

奉別正使大人

成均館典籍趙希逸

大明御極寰宇康五星燦啓文明祥
羣才蔚興乘

運昌制作彬彬軼漢唐我公超然獨高驤大放厥
辭恣洸洋草木花實郁芬芳倬彼雲漢昭回光含
英咀華富蓄蔽化爲錦肝與繡腸五綵陸離成文
章燁如彩虹射天閭艷如姹女凝鮮粧怒如疾雷
破崇岡快如俊鶻橫秋霜壯如大河決堤防凜如
劒戟攢鋒鋦天地之氣柔且剛物物變化固無常
公乃得之無逋亡闢闔舒慘如陰陽經綸大業在
贊襄豈但炳炳而琅琅懸黎之璧姿截肪琢爲國
器薦巖廊北斗三魁制策場宸翰題名寶墨香
天上仙曹白玉堂密邇華蓋帝座傍幾多珥筆

扈栢梁賡歌演綸詞嚴莊謳歌曾已屬元良四海
之人引領望熊羆祥夢叶弄璋廣延綿緒休無疆
帝心式悅誥多方爰有恩言命公將泠然乘風下
東荒萬里瑞旭開扶桑金鼓撓撓旌旆揚猩袍玉
帶何輝煌龍章鳳姿見未嘗偶充下价迂軒裳車
塵馬足慣趨蹌色映春華射我睚拔俗標舉殊軒
昂和風融融甘露瀼畦畛豁去無蔽障海山雲物
盡括囊幾陶詩興酣壺觴贈我寶篋繁暑涼句挾
爽氣發清商白壁如山何足償效愛未獻江南璫
更有墨妙倒鍾王龍蛇糾結騰鸞凰絕藝超倫誰

敢當剩將奇迹傳樂浪竣事旋看回馭忙惜別不
覺情惋傷山川阻絕各異鄉更從何地追翱翔鴨
江漫漫遼塞長薊門煙樹遠蒼蒼公不少畱涕泗
滂欲徃從之路渺茫六月搏風鵬翼張翩翩斥鷃
搶榆枋悵望層霄鵷鷺行願言思子不可忘願言
思子不可忘

奉別副使大人

衡岳雄諸夏天池壯八埏英靈資孕毓鏐璞稟精
堅間發千年氣陶成一代賢南圖從可展北學莫
能先朱雀芳名繫青雲妙譽傳遭逢當五百禮樂

對三千蘭掖通仙籍
楓宸拱御筵
駿蹄空冀野
高價倒藍田
風度難窺際
規模可適權
黃門稱要地
青瑣集儒仙
秉論平依準
行身直似弦
狐狸懾虎豹
鳥雀畏鷹鷂
素蓄需經世
蒼生望濟川
少陽光貳極
祥電繞樞躔
漢海增重潤
周宗卜萬年
殊恩覃外國
需澤渙東偏
杖節雙龍並
銜綸二鳳聯
尊朝今董晉
博物後張騫
縹緲雲端闕
蒼茫海外天
花迎化日爛
草待惠風妍
氓俗爭歌頌
觀瞻擁後前
腰橫猊帶重
眼纈獸袍鮮
鼉鼓驚江館
蜺旌拂海煙
湖山潤點筆
物色聳吟肩
下价吾還

忝登仙信有緣涼風動香簾哀玉響清篇不啻千金贈真成二寶全追攀誠幸耳鄭重敢忘旃王命宣纔訖嚴程啓式邁天涯孤棹別日暮大江邊離恨憑誰訴征裾悵莫辜重霄夢不隔兩地月孤懸鶴野遙連薊鸞驂漸近燕紫簫聲隱隱雲路更茫然

畱贈表司譯憲

有子廷老能世其業漢京宴會將命惟謹

朱之蕃

父子才堪賓客言勤渠傳述意彌敦時修職貢來王會共沐恩光向帝闈

留贈朴司譯仁祥

途間山川地名皆其指示

賓主當筵佐獻酬稱名嶺澗助探幽青山似爾盤桓
意來徃相隨到義州

贈南司譯胤咸

翠篠成叢牖下滋月明青鳳影參差迥然似共山花
笑醉向春風解簪時

勞李秦申三司譯及全司譯

梁有年

我來至東土音殊文不殊立談非管城所藉惟象胥
繫汝三司譯鼓吻如吹竽一事徹終始兩心各怡愉
問俗知風尚述徃令欵欵披雲指名巘尋水過平蕪

解言併解意能語若能圖跬步不少懈隻字未嘗餘
進止式如度恂雅更堪娛此非口舌輩應發自中孚
問汝何能爾生平向業儒亦復有全子來與漢城俱
威儀挾詞氣嫺習三人符爾我萍水逢往返千里區
崩緱不堪酬寸心知汝勗我今渡江去願汝陟華臚
繼見良有期職貢來 帝都

題陳倪兩張輩贈朴判書詩卷

十七日

朱之蕃

百年意氣存風雅萬里交情尚簡編覲面已期畱不
朽貽謀今果見繩前庭槐詰屈冰霜古書帶葳蕤雨

露偏盛事追思家乘遠情含雲樹對江天

皇華集卷之四十一

卷十

目錄

目錄